

Уйланишдаги одоблар ва гунохлар

﴿ الأفرح آداب ومعاص ﴾

[الأوزبكي - Uzbek - Ўзбекча]

Мишал Мағрибий

2009 - 1430

islamhouse.com

﴿ الأفراح آداب ومعاصٍ ﴾

« باللغة الأوزبكية »

مشعل مغربي

2009 - 1430

islamhouse.com

Ислом Нури

Маколалар

Тайёрлаган: Машғал Магрибий

Уйланишдаги одоблар ва гуноҳлар

Бисмиллахи рохманир рохийм

(وَمِنْ آيَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ مَوَدَّةً

وَرَحْمَةً) (الروم: ۲۱)

«У (Аллох) нинг мўъжизаларидан бири – сизлар учун ўзингиздан хотиржам бўлишингиз учун жуфтингизни яратиши ва ўртангизда мухаббат ва рахматни килиб кўйишидир» (Рум: 21)- деб айтган Аллох таъолога хамду санолар, «Севимли ва тугадиган аёлларга уйланинглар! Чунки мен сизларнинг кўплигингиз билан киёмат куни пайгамбарларга фахрланаман»- деб айтган пайгамбаримизга салавоту саломлар бўлсин.

Уйланмокчи ва оиласига ковушмокчи бўлган эркак учун килиши керак бўлган баъзи ишлар бор, улар куйидагича:

Биринчи: Одоблар

- Кўлини келиннинг пешонасига кўйиб, хаккига дуо килиш.

Расулulloх соллalloху алайхи ва саллам дедилар: «Агар биронгангиз уйланса ёки хизматкор сотиб олса, куйидагича дуо килсин: «Эй Аллох! Мен Сендан унинг ва унга табиат килиб берган нарсангнинг яхшилигини сўрайман. Унинг ва унга табиат килиб берган нарсангнинг ёмонлигидан паноҳ беришингни сўрайман». (Имом Бухорий ривояти).

- Икковларининг бирга икки ракаат намоз ўқишлари, мустахабдир.

Абдуллох ибн Масъуд разияллоху анху ривоят килади: «Расулulloх соллalloху алайхи ва саллам дедилар: «Хотин эрининг олдида кирганида, эр ўрнидан туради. Хотин унинг оркасида туриб, (биргаллашиб) икки ракаат намоз ўқийдилар. (Намоздан сўнг эр): «Илохим, оиламдан менга, мендан оиламга барака ато эт! Илохим, уларни мендан, мени улардан ризклантир! Илохим, ўртамизни, модомики, бирлаштирар экансан, яхшилик билан бирлаштир, ўртамизни ажратган пайтингда яхшилик билан ажрат!»- дейди»» (Табароний ривояти, Албоний бу хадисни «сахих» деди).

- Жимоъ пайтидаги ният

Келин билан куёв жинсий яқинлик килаётганларида, бу алоқадан мақсад ўзларини харом ишлардан саклаш эканини, ният килишлари керак. Агар шундай килсалар, ковушишлари уларга садака бўлиб ёзилади. Расулulloх соллalloху алайхи ва саллам: «Сизларнинг бирингизнинг (аёли билан килган) жимосида хам садака бор»- дедилар. Сахобалар: «Бизлардан биримиз

шахватини кондирса хам савоб бўладими?!»- деб савол бердилар. Расулуллох соллаллоху алайхи ва саллам: **«Агар у шахватини харом йўл билан кондирса гуноҳ бўлардимми?»**- деб савол тарикасида жавоб берганларида, саҳобалар: «Ха»- деб жавоб бердилар. Расулуллох соллаллоху алайхи ва саллам: **«Шунга ўхшаш, «уни» халол йўл билан кондирса, савоб бўлади»**- дедилар (Имом Муслим ривояти).

- Хотини билан ковушиш олдидан дуо килиш

Эр хотини билан ковушишдан аввал ушбу дуони килиши керак:

(بِسْمِ اللّٰهِ، اللّٰهُمَّ حَبِّبْنَا الشَّيْطَانَ، وَحَبِّبِ الشَّيْطَانَ مَا رَزَقْتَنَا) .

«Бисмиллах, аллохумма жаннибнаш-шайтон, ва жаннибиш-шайтона мо разактанаа»

«Бисмиллах.. (Аллох номи билан) Илохим, бизни Шайтондан, Шайтонни бизга ризк килиб берадиганинг (фарзанд)дан узок кил!». Расулуллох соллаллоху алайхи ва саллам: **«Агар ўрталарида Аллох (фарзанд бўлишига) ҳукм килган бўлса, Шайтон унга ҳеч хам яқинлаша олмайди»**- дедилар (Имом Бухорий ривояти).

- Ковушиш учун таъкикланган ўрин ва вақтлардан узок бўлиш

Расулуллох соллаллоху алайхи ва саллам дедилар: **«Хайз кони кўраётган аёлга, хотиннинг орка пешобига жинсий алоқа килган ёки фолбинга бориб, фолбин айтган сўзларни тасдиқлаган кимса Муҳаммад (саллоллоху алайхи ва саллам)га нозил килинган динга кофир бўлибди»** («Сунан» китобларининг тўртталасининг муаллифлари ва Насойй ривоят килдилар. Албоний бу хадисни «сахих» деди).

- Ковушгандан сўнг таҳорат ёки гусл килиб ухлаш. Гусл килиб ухлаш яхшидир.

Расулуллох соллаллоху алайхи ва саллам дедилар: **«Уч кимсага фаришталар яқинлашмас: кофирнинг ўлиги, огзидан сассик хид келган ва жунуб (гусл килиши керак бўлган одам). Агар жунуб таҳорат килса (фаришта яқинлашиши мумкин)»** (Абу Довуд ривояти. Албоний бу хадисни «хасан» деди).

- Хайз кўрган аёлдан фойдаланиш халол бўлган нарсалар.

Хайз кўрган аёлга жинсий алоқа килишдан бошқа барча нарсалар халолдир. Расулуллох соллаллоху алайхи ва саллам: **«Жимоъдан бошқа барча нарсаларни килаверинглар»**- дедилар (Имом Муслим ривояти).

Агар хайз кони тўхтаб, аёл гусл килса, унга ковушиш мумкин бўлади.

Расулуллох соллаллоху алайхи ва саллам дедилар: **«Киёмат куни Аллох ҳузурдаги энг бадбахт одам, хотини билан ковушган ва ўзининг (кўрпа) сирларини очиб ташлаган эркакдир»** (Имом Муслим ривояти).

- Валима (зиёфат) килиб бериш – вожибдир

Расулulloх соллalloху алайхи ва саллам Абдуллахмон ибн Авф разияллоху анхуга: **«Бир кўйни сўйиб бўлса-да, зиёфат килиб бер!»**- дедилар (Имом Муслим ва Имом Бухорий ривоятлари).

- Уйланиш зиёфатига килинган даъватни қабул қилиш - вожибдир

Расулulloх соллalloху алайхи ва саллам дедилар: **«Сизлардан бирингиз уйланиш ёки бошқа бир зиёфатга чақирилса, келсин. (Бундай даъватга) ижобат қилмаган одам, Аллох ва расулига осий бўлибди»^[1]** (Имом Бухорий ривояти).

- Келин-куёв ҳаққига дуо қилиш – мустаҳабдир

Абу Хурайра разияллоху анху деди: «Расулulloх соллalloху алайхи ва саллам бирор киши уйланса: **«Аллох сизга бу никоҳни баракотли этсин. Аллох сизга баракотлар ёғдирсин ва иккингиз ўртангизни яхшиликда жамласин.** (бошқа бир ривоятда эса: **«яхшиликка бирлаштирасин»**)»- дер эдилар (Ҳоким: «Бу ҳадис имом Муслимнинг шартига кўра саҳихдир»- деди).

Келин-куёвларни: «Сизларга бахт-саодат ва кўп болалар тилаймиз»- деб табриклаш жоиз эмас. Чунки бу жоҳилият табриқларидан бўлиб, расулulloх соллalloху алайхи ва саллам буни таъқиқлаганлар.

- Хотин-қизларнинг дуф (шилдирик халқачалари бўлмаган чилдирма қаби нарса) қалиб, ёр-ёр айтишлари

Уйланиш йигинларида хотин-қизларга никоҳ эълони учун дуф қалишлари ҳамда гўзаллик ва фиску фуҷурни ифодаламаган ва шариятда руҳсат берилган ашулаларни айтишларига руҳсат берилади. Расулulloх соллalloху алайхи ва саллам: **«Халол билан харом ўртасини ажратувчи нарса – дуф ва никоҳни эълон қилишдир»**- дедилар (Насоий ривояти. Имом Термизий: «Бу ҳадиснинг ривоят силсиласи соғлом-саҳихдир»- деди).

Яъни, кўшиқ билан фақатгина дуф қалиш эрқакларга эмас, хотинларгагина ҳосдир. Кўшиқнинг ҳаёсиз кўшиқларнинг қуйлари ва сўзлари билан бўлиши харомдир.

Иккинчи: Гуноҳлар

- Никоҳ узугини тақиш.

Албоний раҳимахуллох «Уйланиш одоби» номли китобида никоҳ узугини тақиш кофирларга тақлид эканини ёзди. Чунки бу, насоро (христиан) лар ҳаётида узок асрлардан буён одат бўлиб келган. Насроний куёв никоҳ пайтида келиннинг чап кўлининг бош бармогининг учига узукни такар экан: «Отанинг номи билан»- дейди. Кейин узукни чиқариб, келиннинг кўрсатқич бармогининг учига такар экан: «ўғилнинг номи билан»- дейди. Кейин узукни ўрта бармоқ учига такар экан: «Рухул-Қудс номи билан»- дейди. «Амиин» деганидан сўнгра эса, узукни келиннинг синчалогига тақиқ қўяди.

Ким бир қавмга ўхшаса, бас, у улардан биридир.

- Исроф ва кибр

Канча-канча инсонлар килган тўйлари ортидан фахрланиш ва кўнгил очиш учун бехисоб огирликларни кўтардилар. Уларнинг баъзилари:

- 1) Таклифномалар ва улардаги исроф;
- 2) Тўйлари ўтказиш учун ресторан ва кафеларни, кирага олиш.
- 3) Келин ва кўвнинг битта кийимни, бир марта кийиш учун, катта-катта пулларни, бировлар кўрсин ва эшитсин дея, сарф этишлари;

- Хозирланган таомларда исрофга йўл кўйиш ва уларни ахлат идишларига ташлаш.

Чунки бу таомлар одамларни сийлаш учун эмас, балки, кибр ва кўз-кўз учун тайёрлангандир.

- Мусулмонларнинг кўплари очликдан ўлаётган бир пайтда, пулларни «киздириш» номи билан машшок-отарчиларнинг оёқлари остига отиш.
- Аёлларнинг кийимларидаги исроф ва бу исроф учун сарф қилинаётган катта маблағлар.

Аёлларнинг ўзлари ҳам бу кийимларнинг кўпларини бирор марта кийб кўймайдилар.

Биз бу исрофларни қилаётган одамларга: **«Бас етар! Сизни ҳисоб-китоб қилишларидан аввал ўзингизни ҳисоб-китоб қилинглар!»**- деб айтамыз. Чунки расулulloх соллalloху алайхи ва саллам: **«Киёмат куни одам фарзандининг оёқлари беш нарсадан сўралмай туриб ўрнидан кимирамасди ... молини қаердан топиб, қаерга сарф қилганидан»**- дедилар (Имом Термизий ривояти. Албоний раҳимахуллох бу ҳадисни «сахих» деди).

Учунчи: Кўшиқ

Кўшиқ айтиш куйидаги далилларга кўра ҳаромдир:

Куръон Қаримдан далиллар:

(وَمِنَ النَّاسِ مَنْ يَشْتَرِي لَهْوَ الْحَدِيثِ لِيُضِلَّ عَنْ سَبِيلِ اللَّهِ بِغَيْرِ عِلْمٍ وَيَتَّخِذَهَا هُزُوًا أُولَٰئِكَ

لَهُمْ عَذَابٌ مُّهِينٌ (۶) وَإِذَا تُتْلَىٰ عَلَيْهِ آيَاتُنَا وَكُنَّا مُسْتَكْبِرًا كَانُوا لَا يَسْمَعُوهَا كَمَا كَانُوا فِي أذُنِهِ

وَقَرَأَ فَبَشَّرَهُ بِعَذَابٍ أَلِيمٍ (لقمان: ۷)

Маъноси: **«Одамлар орасида шунақа кимсалар борки, улар жохиллик билан одамларни Аллохнинг йўлидан адаштириш ва Аллохнинг йўлини масхара қилиш учун лахвул-ҳадисни сотиб оладилар. Мана шундай кимсаларга Киёмат кунида жаханнамнинг хор қилгувчи азоблари бор. Агар уларга оятларимиз тиловат қилинса, эшитмагандек, қулоғида огирлик бордек, юз ўгирадилар. Уларга аламли кийноқлардан хабар беринг!»** (Лукмон: 6, 7).

Абдуллох ибн Масъуд разияллоху анху ушбу оят (да зикр килинган «бехуда сўз») хакида: **«Ундан бошка илох бўлмаган зот номига онд ичиб айтаманки, у – кўшиқдир»**- деди.

Абдуллох ибн Аббос, Жобир ва Икрима ҳам шундай дедилар.

Суннатдан далиллар:

Абу Омир Ашъарий разияллоху анху расулуллох солаллоху алайхи ва салламдан куйидаги сўзларни эшитганини айтди: **«Умматим ичидан зино, ипак, маст килувчи нарсалар ва чолгу асбобларини халол деб ҳисоблайдиган одамлар чиқадилар. Бир канча кавмлар тоғ этакларига жойлашадилар, подачи уларнинг хайвонларини яйловдан қайтариб келади, шунда бир фақир уларнинг хузурларига бир эҳтиёжи учун келади. Улар эса: «Эртага кел!»- деб айтадилар. Аллох уларга кечаси бало юборади, тоғни уларнинг устларига кулатади, (улардан халок бўлмай) колганларни киёмат кунига қадар маймун ва чўчкаларга айлантириб юборади»**.

«Улар халол деб ҳисоблайдилар» жумласининг маъноси, у нарсаларнинг харом эканидир. Чолгу асбоблари дуф ва бундан бошка «Комус» ларда баён килинган чолгу асбобларидир.

Расулуллох солаллоху алайхи ва саллам дедилар: **«Аллох таъоло арок, кимор, дўмбирани харом қилди. Маст килувчи барча нарса харомдир»** (Абу Довуд ривояти. Албоний раҳимахуллох бу ҳадисни «сахих» деди).

Саҳобаларнинг сўзларидан далиллар

Абдуллох ибн Аббос разияллоху анху: **«Дуф харомдир, чолгу асбоблари харомдир, дўмбира харомдир ва сурнай харомдир»**- деди (Байхакий ривояти. Албоний бу ҳадисни «сахих» деди).

Тобеиларнинг сўзларидан далиллар

Хасан Басрий раҳимахуллох: **«Дуф (чилдирма чалиш) мусулмонлар ишидан эмас. Абдуллох (ибн Масъуд) нинг дўстлари уни йиртиб ташлар эдилар»**- деди.

Албоний раҳимахуллох ўзининг «Мусика асбобларининг харомлиги» номли китобида **тўрт мазҳаб имомларининг барчаси мусика асбобларини харом қилганларини** баён қилган.

Тўртинчи: Уйланиш валимаси-зиёфатига, гуноҳ ишлар бўлаётган бўлса, бормаслик

Алий ибн Абу Толиб разияллоху анху деди: «Таом хозирлатиб, расулуллох солаллоху алайхи ва салламни таклиф қилдим. Расулуллох солаллоху алайхи ва саллам келиб, уйдаги суратларни кўрдилар-да, орқаларига қайтдилар. Мен: «Ё расуллох, ота-онам сизга фидо бўлсин, нега қайтдингиз?»- деб сўрадим. Расулуллох солаллоху алайхи ва саллам: **«Уйдаги пардада суратлар бор экан. Фаришталар суратлар бўлган уйга кирмайдилар»**- деб жавоб бердилар» (Ибн Можжа соғлом ривоят силсиласи билан ривоят қилди).

Уламолар бу ҳадисдан гуноҳ бўлган ерга чакирилса, ижобат килинмайди»- деб ижтиҳод қилдилар.

Имом Авзой раҳимахуллох: **«Биз дўмбира ва арфа (чолгу асбоби) бўлган валима-зиёфатларга кирмаймиз»**- деди.

Бешинчи: Соколни кириш

Сокол кириш – кўплаб эркаклар мубтало бўлган «касаллик» бўлиб қолди. Хатто, баъзи одамлар келин хузурига сокол билан киришни айб деб ҳисоблай бошладилар. Натижада, расулуллох солаллоху алайхи ва салламнинг: «Мушрикларга хилоф килинглари: соколларни ўстиринглари ва мўйлабларни

кискартинглар!» (Имом Бухорий ва имом Муслим ривоятлари)- деб айтган фармонларига хилоф ўларок безанмоқдалар. Хадисдаги фармон фарзни ифодалаб, унда фарзликдан тўсадиган бирон бир сабаб йўқ. Соколни кириш харомдир. Уни кирган одам гунохкордир. Уламоларимиз шунга фатво берганлар. Чунки бунда кофирлар ва хотин-кизларга ўхшашлик ҳамда расулуллох соллаллоху алайхи ва салламнинг амрларига хилофлик бор.

Олтинчи: Аёллардан содир бўлаётган гунохлар

- Кош териш.

Расулуллох соллаллоху алайхи ва саллам куйидаги сўзлари билан кош теришни харом қилиб, кош терган кимсани лаънат қилдилар: **«Аллох таъоло тери остига ранг ўтказиб баданга накшлар солган ва солдирган, зония, чаккаларидаги тукларни юлган ва юлдирган, гўзаллик учун тиш ораларини очган ва Аллохнинг яратишини ўзгартган хотин-кизларни лаънат қилди»** (Имом Бухорий ва имом Муслим ривоятлари).

Аллохнинг яратишини гўзаллик учун ўзгартган барча одам, бу ҳукм остига қиради.

- Сочни калта қилиш.

Сочни калта қилиш уч турлидир:

Биринчи: Агар соч эркакларнинг сочлари каби бўлса, бу – катта гунохларнинг каттарогидан биридир. Чунки расулуллох соллаллоху алайхи ва саллам (харакат ва кўринишларида) эркакларга ўхшаган аёлларни лаъналаб дедилар: **«Уч тоифа одам жаннатга кирмайди ва уларга Аллох таъоло қарамайди ҳам: ота-онасига оқ бўлган, эркакларга ўхшаган аёл ва даюс»** (Насойй ва ҳоким ривояти. Ҳоким: «Бу хадиснинг ривоят силсиласи соғлом-сахих»- деди).

Иккинчи: Агар аёлнинг сочи эркаклар сочи қадар бўлмаса, имом Аҳмаднинг сўзларига кўра макруҳдир.

Учунчи: Агар аёл сочини кофир аёлларнинг соч кискартиришига ўхшаш кискартирса, расулуллох соллаллоху алайхи ва салламнинг куйидаги сўзларига биноан харомдир: **«Қим бир халққа ўхшаса, бас, у улардан биридир»** (Имом Аҳмад ва Абу Довуд ривояти. Албоний раҳимахуллох бу хадисни «сахих»- деди).

- Хаёсиз кийимларни кийиш ва улар билан фахрланиб, шуҳрат топишни мақсад қилиш

Хаёсиз кийимлар – ё торлиги, ёки кўкраклар ва болдирларни очиб турадиган одатдан ташқари тарздаги кийимлардир. Унутмайликки, бу кийимларни хотин-кизлар олдида ҳам кийиш гунохдир. Расулуллох соллаллоху алайхи ва саллам бу ва бу каби хотин кизлар ҳақида шундай дедилар: **«Жаханнамга тушадиган икки тоифа борки, мен уларни кўрмадим: кўлларида сигирнинг куйруги каби камчилари бўлган ва бу камчилар билан одамларни урувчи одамлар ҳамда ярим яланғоч, бошкаларни жалб қиладиган, бошларини эгилган ўрқач каби эгиб юрадиган хотин-кизлар. Улар жаннатга кирмайдилар. Хатто хиди узок-узоклардан келиб турса-да, жаннатнинг хидини ҳам хидлай олмайдилар»** (Имом Муслим ривояти).

Яъни, уларнинг эғнида кийим бўлади, бироқ, у ё калталиги, ё шаффофлиги ва ёки торлиги сабабли баданнинг барча ерини тўса олмайди.

Расулulloх соллalloху алайхи ва саллам: **«Бу дунёда шухрат кийимини кийган одамга Аллох таъоло киёмат кунда хорлик кийимини кийдиради ва у билан ёкиб юборади»**- дедилар (Абу Довуд ва ибн Можжа ривояти. Албоний раҳимахуллох бу хадисни «хасан»-яхши, деди).

- Атир кўйиб хушбўйланиш

Расулulloх соллalloху алайхи ва саллам: **«Хушбўйланиб, хидини билишлари учун одамлар олдидан ўтган аёл- зониядир»**- дедилар (Имом Термизий ривоят килди ва: «Бу хадис хасан-сахих деди).

- Суратга олиш

Расулulloх соллalloху алайхи ва саллам: **«Барча сураткаш жаҳаннамдадир»**- дедилар (Имом Муслим ривояти).

Сиз бошқалар кўрмаганида ҳам, энг ози билан, бу суратларнинг фильмларини ювиб коғозга чиқариб берадиган эркалар кўриши хақида нима дейсиз?

Хуллас, хаётини суннатга эргашиш ва гуноҳлардан узок бўлиш билан бошлаган хар бир одамнинг хаёти бахт-саодат билан ниҳояланиши ҳамда унинг Аллох таъоло кўйидаги сўзларида тасвирлаган Аллохнинг хос бандаларидан бири бўлиши умид қилинади:

(رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا) (الفرقان: ٧٤)

«Роббимиз, жуфтларимиз ва зурриётларимиздан биз учун қувонч ато эт ва бизларни такводорлар учун имом (етакчи) қил!» (Фурқон: 74).

Сўнги дуомиз: Барча Оламлар Роббиси бўлган Аллохга ҳамду-санолар бўлсин.

* * *

17 / 12 / 2002

[1] - Албатта бу хадисда зикри келган зиёфат ислом аҳкомларига мувофиқ бўлган валимадир, агар унда мусика, арок, эрка ва аёллар аралаш ҳамда хар хил бидъат-хурофотлар бўладиган бўлса, бу хадисга хилофдир ва бу таклифга ижобат қилмаслик вожиб бўлади. (ИНТ)